



PAASISSUTISSANIK INUNNUT TUNNGASUNIK SULIARINNITTARNEQ

Suut pisinnaatitaaffigaagit?

Inatsisartut Ombudsmandiannit allagarsivutit.

Illit pillutit paasissutissat qarasaasiakkut ingerlatseriaatsitsinni nalunaarsoratsigit pisinnaatitaaffitit pillugit quppersagaq manna ilinnut tunniunneqarpoq.

Paasissutissat inunnut tunngasut pillugit inatsisip inuit qarasaasiakkut nalunaarsorneqartut arlalitsigut pisinnaatitaaffilerpai. Inatsit Ombudsmandimut atuutinnigilaq, Ombudsmandili inatsimmi tunngaviit malinniarlugit aalajangerpoq. Taamaattumik Ombudsmandeqarfimmi makkuninnga pisinnaatitaaffeqarputit:

- Paasissutissat ilinnut tunngasut nalunaarsorsimagivut taakkulu sumut atorneqasansersut ilisimassallugu pisinnaatitaavutit.
- Paasissutissat ilinnut tunngasut takunissaannut pisinnaatitaavutit.
- Paasissutissat ilinnut tunngasut eqqungippata paatsoortitsisinnaappataluunniit naqqitsinnissaannut piiartinnissaannuluunniit pisinnaatitaavutit.

Pisinnaatitaaffitit pillugit apeqqutissaqaruit ililluunniit pillutit paasissutissat takorusukkukit, naqqitsikkusukkukit piiartikkusukkukilluunniit uatsinnut saaffiginninnissanut tikilluaqqusaavutit. Uatsinnut attaveqarfissat pillugit paasissutissat quppersakkap matuma naggataaniipput.

Ombudsmandip paasissutissat ilinnut tunngasut qanoq iliorluni suliarisarpai?

Ombudsmandi naammagittaalliummik tigu-saqaraangat naammagittaalliuutip assilinera qarasaasiamik ingerlatseriaatsitsinni toqqortarput.

Tamatuma saniatigut nassiussisup aqqa najugaqarfialu pillugu paasissutissat aamma toqqortarpavut. aqqa najugaqarfialu pillugu paasissutissat aamma toqqortarpavut.

Oqartussaasut suliaq pillugu sukumiinerusumik nassuiaateqaqqullugit pisut ilaanni qinnuigisarpavut. Taamatut pisoqartillugu naammagittaalliuutivit aamma ilanngussanik nassiussisimaguit taakkua assilineri oqartussasumut nassiuttarpavut. Oqartussaasoq akisuteqarpat akissut taanna pillugu oqaaseqaateqarnissannut periarfissinneqassaait.

Paasissutissat inunnut tunngasut pillugit inatsit (persondataloven) sunaana?

Taanna EF-ip peqqussutaa 1995-imeersoq tunngavigalugu Folketingimit 2000-imi akuerineqaqqaarami paasissutissat inunnut tunngasut suliarineqartarnerat pillugu inatsimik ("lov om behandling af personoplysninger"-mik) taaguuteqaralarpoq. Inatsit taanna aallaqqaataani Kalaallit Nunaannut atuutinnigikkalarpoq.

Kalaallit Nunaanni Namminersorlutik Oqartussat qinnuteqarmata Kalaallit Nunaannut 1. december 2016-imi atortuulersinneqarpoq, Kalaallit Nunaanni pissutsit immikkut ittut pisariaqalersitaannik allannguuteqarluni. Tamanna Kunngip peqqussutaatigut nr. 1238-ikkut, 14. oktober 2016-imeersukkut pivog. Peqqussut tamakkerlugu www.lovtidende.dk -mi atuarneqarsinnaavoq.

Paasissutissat inunnut tunngasut pillugit inatsit pillugu paasissutissat amerlanerusut Digitaliseringsstyrelsen imaluunniit Datatilsynet nittartagaanni ukunani atuarneqarsinnaapput: www.digitalimik.gl, www.datatilsynet.dk.